

NARATIVNI IZVJEŠTAJ SEMINAR „KROZ DEBATU SAZNAJMO VIŠE O HIV-U“ 21.-22.04.2012. HOTEL „GRAND“ SARAJEVO

Seminar je održan prema sljedećem planu rada:

SUBOTA 21.04.2012.		
Vrijeme	SALA A	SALA B
11.45 – 12.00	Otvaranje Seminara i pre testiranje (Svi učesnici i predavači; Otvaranje Seminara: Sanja Vlasisavljević)	
12.00 – 13.30	Prezentacija i analiza govora o HIV-u/AIDS-u (Svi učesnici i predavači;) Pitanja, komentari, odluke – svi plenarno (Svi učesnici i predavači;)	
13.30 – 15.00	Ručak	
15.00 – 16.30	Istraživanje ključnih pojmova (profesori): „Psihološke opasnosti koje prate HIV i AIDS“ (Predavač: prof. Ranka Katalinski)	Istraživanje ključnih pojmova (studenti i učenici): „Impromptu govori u vezi sa HIV-om“ (Predavač: Tijana Ljuboje, Volonter: Anja Gengo)
16.30 – 17.30	Pripremanje idejnih rješenja promo materijala za prevazilaženje problema i postizanje projektnih ciljeva (studenti i učenici): prezentovanje osmišljenih rješenja (Predavač: prof. Ranka Katalinski)	Pripremanje idejnih rješenja promo materijala za prevazilaženje problema i postizanje projektnih ciljeva (studenti i učenici): prezentovanje osmišljenih rješenja (Predavač: Tijana Ljuboje; Volonter: Anja Gengo)
17.30 – 17.45	Pausa	
17.45 – 19.00	Plenarno prezentiranje idejnih rješenja promo materijala za prevazilaženje problema i postizanje projektnih ciljeva (učenici, studenti, profesori) (Facilitatori: prof. Ranka Katalinski, Tijana Ljuboje; Volonter: Anja Gengo)	
19.00 – 20.00	Sastanak treneri Sastanak priprema i vodi: - Sanja Vlasisavljević, direktor	Pripremanje planova za prevazilaženje problema i postizanje projektnih ciljeva (studenti i učenici) (Predavač: Tijana Ljuboje; Volonter: Anja Gengo)
20.00 – 21.00	Večera	
21.00 – 22.30	Druženje	
NEDJELJA 22.04.2012.		
08.00 – 9.30	Doručak	
9.30 – 10.30	Debata plenarno KPP: „Trebaju preduzimati akcije mladih i lokalne zajednice u cilju prevencije HIV-a i AIDS-a“ (Svi učesnici i predavači;)	
10.30 – 11.30	„Stigma i diskriminacija HIV pozitivnih osoba“ (profesori) (Predavač: prof. Ranka Katalinski)	Analiza debate, pravila KPP formata (studenti i učenici) (Predavač: Tijana Ljuboje; Volonter: Anja Gengo)
11.30 – 11.45	Pausa	
11.45. – 12.45	Evaluacija i post testiranje	Evaluacija i post testiranje
12.45 – 14.00	Zatvaranje seminara – plenarno	
14.00	Ispraćaj polaznika Seminara	

SUBOTA 21.04.2012.

11.45. – 12.00 Otvaranje Seminara i pre testiranje

Predavač: Sanja Vlasisavljević

Seminar je otvorila direktorica Centra za kulturu dijaloga, Sanja Vlasisavljević koja je prisutne pozdravila i objasnila plan rada Seminara, kao i aktivnosti koje će tokom Seminara biti provedene. Prisutne je također upoznala sa činjenicom da je aktivnost organizovana pod pokroviteljstvom UNDP-a. Istaknuto je da i ova aktivnost u BiH predstavlja dio globalne borbe protiv HIV virusa i AIDS-a, koju podupire UNDP. Predavači na Seminaru su: Sanja Vlasisavljević, Ranka Katalinski i Tijana Ljuboje, dok je predavač volonter Anja Gengo, dugogodišnja saradnica CKD-a. Nakon upoznavanja sa temom i aktivnostima Seminara, učesnicima su podijeljeni pred testni upitnici sa napomenom da su upitnici anonimni i da trebaju biti popunjeni pod šifrom, koju će učesnici iskoristiti za popunjavanje post testnih formi nakon na kraju Seminara.

12.00 – 13.30 Prezentacija i analiza govora o HIV-u/AIDS-u; Pitanja, komentari, odluke – svi plenarno

Predavač: Tijana Ljuboje

Volonter: Anja Gengo

Tokom radionice prezentovana su tri video snimka o HIV-u i AIDS-u preuzeta sa www.ted.com:

Hans Rosling – The truth about HIV (trajanje: 10 min.)

http://www.ted.com/talks/lang/en/hans_rosling_the_truth_about_hiv.html

Annie Lennox – Why I am an HIV activist? (trajanje: 9 min.)

http://www.ted.com/talks/annie_lennox_why_i_am_an_hiv_aids_activist.html

Mitchell Besser – Mothers helping mothers fight HIV (trajanje: 18 min.)

http://www.ted.com/talks/lang/en/mitchell_besser_mothers_helping_mothers_fight_hiv.html

Video materijal je prezentovan kako bi učesnici dobili osnovne informacije o HIV-u i AIDS-u, kako bi bili upoznati sa inicijativama za rješenje problema HIV-a i AIDS-a u svijetu, i kako bi dobili podatke o tome gdje je veći a gdje manji broj inficiranih odnosno oboljelih osoba, koje zemlje bilježe trend rasta broja oboljelih a koje zemlje bilježe trend pada broja oboljelih.

Nakon prezentovanog video materijala, otvorena je diskusija o pregledanom sadržaju. Svi učesnici su aktivno sudjelovali u diskusiji ocijenivši da su video snimci izuzetno poučni i da su sadržavali mnogo novih i korisnih podataka. Tokom radionice učesnici su istakli da je potrebno izraditi slične video materijale i za područje BiH jer se u javnosti malo govori o HIV-u, odnosno AIDS-u.

Preporuka za naredne radionice: Prosljediti sve ponuđene video materijale u škole, kako bi i ostali debatanti u klubovima imali priliku naučiti o ovoj temi i ujedno naučiti o tehnikama strukturiranja govora.

Mladima koji su učestvovali u radionici u školama i na fakultetima omogućiti edukaciju vršnjaka kroz organiziranje javnih debata i okruglih stolova za mlade.

Na nivou BiH izraditi video materijale ili publikacije koji će biti dostupni svim građanima BiH.

13.30 – 15.00 Ručak

15.00 – 16.30 SALA A Istraživanje ključnih pojmova „Psihološke opasnosti koje prate HIV“

Predavač: prof. Ranka Katalinski

Nakon predstavljanja i usvajanja pravila rada, učesnici su uključeni u grupnu vježbu u kojoj su stavljeni u poziciju da osvijeste građane o mogućnosti širenja HIV infekcije i o psihološkim procesima u vezi sa testiranjem i savjetovanjem. U diskusiji nakon vježbe, učesnici su imali priliku da izraze svoje emocije, strahove, brige, nakon čega je uslijedilo predavanje na temu “Psihološki stadiji HIV infekcije”.

Rad u malim grupama, nakon predavanja, je organiziran u pet grupa.

Svaka grupa je dobila materijal i zadatak/smjernice za rad. Teme koje su obrađene tokom rada u grupama su:

- Razmatranje testiranja i testiranje
- Saznanje o HIV statusu
- Život sa asimptomatskom HIV infekcijom
- Početak simptomatskog stadija
- Ozbiljno stanje bolesti

Predstavnici grupa su predstavili ostalim učesnicima detaljno saznanja o svakom stadiju. Nakon prezentacija, učesnici su dijelili iskustva i diskutovali o mogućim akcijama prevencije.

Stavljeni su u poziciju da osvijeste mogućnost širenja HIV infekcije i psihološke procese vezane za testiranje i savjetovanje.

15.00 – 16.30 SALA B Istraživanje ključnih pojmova „Impromptu govori u vezi sa HIV-om“

Predavač: Tijana Ljuboje

Volonter: Anja Gengo

Tokom radionice učenici i studenti su trebali kreirati govore na teme koje su pripremali od predavači. Teme za govore su bile:

1. Neophodnost korištenja kondoma
2. Prenosjenje virusa HIV-a ugrizom komarca
3. Sigurni seksualni odnosi
4. Prenosjenje virusa HIV dijeljenjem hrane sa osobom koja živi sa HIV infekcijom
5. Put za prenošenje HIV virusa: korištenje istog pribora za injektiranje narkotika
6. Izgled osobe zaražene HIV virusom
7. Mogućnost trudnoće za ženu koja je zaražena HIV virusom i rizik za dijete
8. Smanjenje rizika prenosa HIV virusa na dijete od majke tokom trudnoće
9. Načini prenosa HIV virusa
10. Razlika između pojmova HIV i AIDS
11. Svjetski dan borbe protiv AIDS-a
12. Kako se HIV ne može prenijeti
13. Liječenje osoba zaraženih virusom HIV-a
14. Oblici borbe protiv infektiranja HIV-om
15. Osobe zaražene HIV virusom kao socijalno ugrožene kategorije
16. Diskriminacija osoba zaraženih HIV-om
17. Oblici borbe protiv predrasuda i i diskriminacije osoba zaraženih HIV virusom
18. Mladi treba da se aktiviraju u borbi protiv HIV-a
19. Aktivizam medija u borbi protiv HIV-a
20. Ljubav i HIV
21. AIDS
22. Sportom protiv HIV-a
23. Osobe koje su HIV pozitivne mogu se baviti sportom.
24. HIV se ne prenosi druženjem.
25. Oblici socijalne borbe protiv HIV-a.
26. Šta ja, kao individua, mogu da uradim za osobe zaražene HIV virusom?
27. Kako ja, kao individua, mogu uticati na podizanje svijesti o rizicima koje nosi HIV/AIDS?
28. Da li u školama treba uvesti predmet koji se bavi HIV-om/AIDS-om?
29. Debatom protiv problema vezanih za HIV.
30. Socijalnim mrežama protiv suzbijanja predrasuda o osobama inficiranim HIV-om i podizanje svijesti.

Tokom govora mladi su pokazali visok nivo znanja o ponuđenim temama pa su između ostalog u govorima naveli:

- Virus HIV-a ne može biti prenijet ugrizom komarca.

- Sigurni seksualni odnosi podrazumijevaju upotrebu kondoma kao najbolje prevencije za suzbijanje spolno prenosivih bolesti uključujući HIV/AIDS.
- Narkomani su izloženi većem riziku zaraze HIV virusom zbog korištenja istog pribora za injektiranje narkotika koji su koristile i druge osobe. U apotekama bi trebalo obezbijediti besplatnu podjelu pribora za injektiranje narkotika za narkomane kako bi se suzbilo širenje bolesti.
- Osobe zaražene HIV virusom se izgledom ne razlikuju od osoba koje nisu zaražene HIV virusom.
- Trudnica koja je HIV pozitivna, može na plod prenijeti virus ali postoje lijekovi koji mogu spriječiti prijenos virusa.
- Osobe zaražene HIV-om često kriju svoj HIV pozitivan status kako bi izbjegli osudu okoline.
- Prevencija je osnovni korak za sprečavanje širenja HIV-a/AIDS-a.
- Mediji mogu mnogo pomoći u prevenciji širenja zaraze kroz plasiranje edukativnih materijala.
- HIV se ne prenosi zagrljajem ili druženjem.

Preporuka za narednu radionicu: ostaviti više vremena za pripremu govora i uskladiti težinu tema sa količinom vremena koju imaju na raspolaganju.

16.30 – 17.30 SALA A Pripremanje idejnih rješenja promo materijala za prevazilaženje problema i postizanje projektnih ciljeva.

16.30 – 17.30 SALA B Pripremanje idejnih rješenja promo materijala za prevazilaženje problema i postizanje projektnih ciljeva.

U obje sale učesnici su kreirali promo materijal za prevazilaženje problema HIV-a/AIDS-a. Učesnici su trebali kreirati idejna rješenja za prevazilaženje sljedećih problema:

1. Borba protiv HIV-a i AIDS-a na lokalnom nivou
2. Borba protiv HIV-a i AIDS-a na globalnom nivou
3. Kako povećati stepen edukacije mladih o pojmovima HIV i AIDS?

17.30 – 17.45 Pauza

17.45 – 19.00 SALA A Presentiranje idejnih rješenja promo materijala za prevazilaženje problema i postizanje projektnih ciljeva.

Predavači: Ranka Katalinski i Tijana Ljuboje

Volonter: Anja Gengo

Tokom zajedničke radionice učesnici su prezentovali idejna rješenja promo materijala za prevazilaženje problema i postizanje projektnih ciljeva kroz zajedničke napore učenika i profesora.

Učesnici su u promo materijalu između ostalog prezentovali:

- Načine na koje HIV/AIDS može biti suzbijen
- Ulogu društva u prevenciji HIV-a/AIDS-a
- Važnost svakodnevne edukacije o HIV-u

19.00 – 20.00 SALA A „Treneri, profesori, škole i diseminacija znanja o projektnim aktivnostima“

Predavač: Sanja Vlasisavljević

Istaknut je značaj promocije projekta UNDP-a u školama i u lokalnim zajednicama. Ponovljeno je da škole trebaju organizovati istraživanja u lokalnim zajednicama i u školama, kako bi o temi HIV-a/AIDS-a bio educiran veći broj osoba i kako bi na taj način BiH doprinijela globalnom trendu prevencije infekcije i bolesti. Prisutni su istakli da su već obavili razgovore sa kolegama u vezi sa projektom i da je većina kolega zainteresovana za učešće u javnim debatama i praćenje rada mladih osoba. Učesnici su također istakli važnost Projekta jer im ovakav projekat omogućava bolji uvid u temu koja se u bh. društvu spominje rijetko ili

nikako. Prezentirane su aktivnosti koje će biti implementirane tokom Projekta i istakla važnost kvalitetne saradnje sa školama za doprinos u rješavanju problema HIV-a/AIDS-a. Polaznici su plenarno razgovarali o temama:

- *Seksualno vaspitanje treba da postane redovan nastavni predmet u srednjim školama.*
- *Lijekovi protiv AIDS-a trebaju biti jeftiniji za zemlje u razvoju.*
- *Javnosti u BiH trebaju biti obznanjena imena HIV pozitivnih osoba koje žive u BiH.*
- *HIV pozitivne osobe trebaju buduće poslodavce upoznati sa svojim HIV pozitivnim statusom.*

19.00. – 20.00 SALA B Pripremanje planova za prevazilaženje problema i postizanje projektnih ciljeva

Predavač: Tijana Ljuboje

Volonter: Anja Gengo

Svim debatantima date su upute kako da izrade plan (prepoznavanje problema, uzročnika problema, plan akcije, subjekti, rokovi, finansije i benefiti) i potrebni materijal za izradu (A3 papiri i olovke). Debatanti su planove izrađivali u grupama, i nakon izrade prezentovali. Tema na koju su izrađivani planovi je „Smanjenje stope inficiranih/oboljelih osoba u BiH/svijetu“

Problemi koji su uočeni su:

- Stigmatizacija HIV pozitivnih osoba, odbojnost prema spolnim bolestima i testiranju na spolno prenosive bolesti
- Neinformiranost društva o HIV-virusu i AIDS-u, te o oboljelima
- Nedovoljna edukacija o problemu HIV-a

Ponudena su sljedeća rješenja problema:

- Implementacija edukativnih radionica i javnih debata o problemima
- Edukacija na nivou lokalne zajednice
- Animiranje vladinih institucija u rješavanje problema

Zapisnik ponuđenih planova se nalazi u arhivi CKD-a i na web stranici www.ckdbih.com (Sekcija : Aktuelni projekti; Podsekcija. UNDP projekat)

20.00 – 21.00 – Večera

21.00 – 22.30 – Druženje

NEDJELJA 22.04.2012.

08.00 – 9.30 – Doručak

9.30 – 10.30 – SALA A: Debata: „Treba preduzimati akcije mladih i lokalne zajednice u cilju prevencije HIV-a i AIDS-a“

Tim Afirmacije:

Ivana Koroman

Nedret Mujčinović

Helena Brkanlić

Tim Negacije:

Nevena Koščica

Ademir Omerčehajić

Rešid Dževdetbegović

Tokom debate, debatanti su prezentirali argumente za i protiv akcija mladih i lokalne zajednice u cilju prevencije HIV-a/AIDS-a. Debatanti su tokom debate također iskoristili planove koje su kreirali dan ranije.

10.30 – 11.30 SALA A: „Stigma i diskriminacija“

Predavač: prof. Ranka Katalinski

Tokom radionice razmatrani su pojmovi stigme i diskriminacije. Posebna pažnja je bila posvećena osposobljavanju učesnika/ca u prepoznavanju (eventualnog) stigmatizirajućeg i diskriminirajućeg ponašanja. U grupnoj aktivnosti, učesnici su podstaknuti na razmišljanje o situacijama koje doživljavaju HIV pozitivne osobe s ciljem povećanja stepena senzibiliteta i adekvatnog pristupa problemu HIV/AIDS-a.

Nakon uvodnog predavanja u kojem su definisani pojmovi stigme i diskriminacije prema HIV inficiranim osobama, naglašena važnost upotrebe jezika koji nije stigmatizirajući te izložena lista preporučenih izraza koji se koriste za opisivanje najčešće korištenog stigmatizirajućeg jezika koji je u vezi sa HIV-om i AIDS-om. Nakon toga učesnici su u podjeljeni u četiri grupe. Svaka grupa je dobila zadatak i smjernice za rad:

I grupa- Uzroci stigme i diskriminacije

II grupa- Posljedice stigme i diskriminacije

III grupa- Diskriminacijske prakse prema osobama koje žive sa HIV-om

IV grupa- Načini za prevenciju i reduciranje stigme i diskriminacije

Predstavnici grupa su prezentirali zaključke svojih grupa ostalim učesnicima.

10.30 – 11.30 SALA B: Analiza debate, pravila KPP debatnog formata

Predavač: Tijana Ljuboje

Volonter: Anja Gengo

Radionica je počela u 10.30, u sali B. Analiza pokazne debate obuhvatala je obradu uloge svakog pojedinačnog govornika u Karl Popper Policy debatnom formatu, te sumarno predstavljanje glavnih ciljeva planske debate. Tokom radionice učesnici su istakli da je debata vrlo važno sredstvo za promociju brojnih tema, ali posebno tema koje u bh. društvu nisu dobro prezentirane kao što je to slučaj sa HIV-om/AIDS-om.

11.30 – 11.45 Pauza

11.45 – 12.45 SALA A Evaluacija i post testiranje

11.45 – 12.45 SALA B Evaluacija i post testiranje

12.45 – 14.00 Zatvaranje Seminara – plenarno

Predavač: Sanja Vlasisavljević

Sanja Vlasisavljević, je istakla značenje aktivnog učešća svih polaznika Seminara u svim radionicama, i istakla važnost dobre saradnje između profesora i učenika nakon Seminara, kako bi usvojena znanja prenijeli vršnjacima odnosno ostalim učenicima. Također je istaknuta važnost prezentiranja promo materijala i planova za rješenje problema HIV-a/AIDS-a. Predstavljeni sadržaji su najviše isticali važnost prevencije, mada je stavljen akcenat i na dostupnost lijekova za inficirane odnosno oboljele osobe. Prisutni su istakli da je Seminar dobro organizovan, da je ponuđeni sadržaj bio relevantan i prihvatljiv. Tokom ovog dijela učesnici su podcrtali teškoće sa kojima bi mogli biti suočeni prilikom organiziranja javnih debata u školama. Osnovna poteškoća jeste štampanje materijala za pred i post testiranje i za evaluaciju javne debate. Sanja Vlasisavljević je istakla da će CKD tim uputiti upit donatoru u vezi sa smanjenjem obaveza koje škole imaju prema CKD-u u vezi sa javnim debatama. Polaznici će naknadno dobiti diplome za učešće.

14.00 – Ispraćaj polaznika Seminara

Seminar pratili i novinari:

- Zijada Karić – Dnevni avaz
- Antonija Gif – TV Alfa
- Nataša Čeremiđić – TV Alfa
- Dženita Bravić – TVSA

O Seminaru su izvijestili:

- TV Alfa – Dnevnik 21.04.2012. u 18:30
- TVSA – Dnevnik 21.04.2012. u 18:55
- Dnevni Avaz – Prilog „Studenti, srednjoškolci i profesori učili o bolesti“; Nedjelja 22.04.2012.

PROJEKAT: “Kroz debatu saznajmo više o HIV-u“



PROJEKAT: "Kroz debatu saznajmo više o HIV-u"



PROJEKAT: "Kroz debatu saznajmo više o HIV-u"



PROJEKAT: "Kroz debatu saznajmo više o HIV-u"

